

金華黃先生文集

十二



祝文

謁先聖祝文

忝繇諸生蒙 恩錫第洋洋聖道實佑啓茲履載生成名言罔
既欽承

睿旨展謁告虔聖神臨之敢負夙學

諸暨州謁廟祝文

先聖

昔者夫子之論政蓋曰子欲善而民善矣潛忝繇諸生與聞有
政請事斯語以對越夫子在天之靈

三皇

維三聖人為郡邑之通祀 有著令潛祇事云初肇以禮見導

黃學士文集卷二十三

一

舊典也

城隍

潛被命佐州與有民社祇

虔式遵故常治人事神敢不夙

夜維爾有神尚鑒臨之

東岳

泰山之雲實雨天下郡邑所在得望祀焉潛祇事云初是用展
謁曰雨曰暘維神其嘉惠之

諸廟

治人事神吏之職也禦災捍患神之力也通幽顯而一貫所以
交盡其責也顧茲陋微無能為役也神之相之尚不忒也祇事
虔舊典是式也維爾有神尚昭假也

太史院秋祭祝文

皇帝元辰天剛

蒼龍之首躔次伊始元辰所舍永綏多祉億萬斯年敬此恭祀
皇帝照星羅睺

日月之交是曰天首靈儀旁燭陟降左右祇薦苾芬尚祈默佑
皇帝胎星室宿

定之方中式營有居儲精上玄寔開玉圖有嚴歲祀神靈具孚
皇后元辰小吉

鷄首之舍坤維受事肅二中宮元辰攸次神其降康饗于明祀
皇后照星太陽

大明麗天照臨下土承茲休光陰教是輔昭薦常事用膺多祐
皇后胎星參宿

坤申之間旗伐孔揚清明在天泚德之祥來敬肆祀介福無疆

黃學士文集卷二十三

二

太子元辰太衝

對時育物青陽在春毓粹震宮肇茲元辰精誠是鑒福祿駢臻
太子照星太陽

衆陽之宗有赫臨照重光所被前星有耀永錫蕃釐無忘昭報
太子胎星斗宿

倬彼雲漢南斗有光降灵錫羨長發其祥精禋匪懈皇圖永昌
國學仙設先師配位祝文

釋奠上丁國之通祀四賢並脩厥有舊章稷卜靈辰具嚴廟像
奉遷改作伏慮震驚庀事云初敢脩虔告

大成殿修造祝文

禮殿有嚴妥靈茲久旅楹故惟新是圖飭材庀工諏辰興作
廟庭清謐伏懼驚誼菲薦陳誠尚祈昭鑒

巍巍聖師廟祀維蕃增新崇構有覺其楹既固既完式祀俎豆
吉蠲薦告冀茲安安神之格思永世無斁

太廟時享祝文

青陽屆候雨露既濡永言孝思有懷先烈吉蠲致享來燕來寧
錫羨降康益綿寶緒

太宮奕奕列聖端臨歲祀有常夏享以禴禮文告具昭薦孔時
第祿是承永世無斁

太史院重修簡儀告成祝文

欽天觀象肇自古先設置靈儀用嚴測候載新繕治稽合玄文
消吉告成式陳嘉薦

謁胡侍郎墓祝文

維神生為名臣沒有廟祀維桑與梓是庇是依歸焉茲丘高山
仰止展謁之禮大懼弗時爰考舊規祇薦俎豆有引弗替神其
鑒之

黃學士文集卷二十三

三

八世祖墓祭告祝文

瞻望先塋邈焉異縣族分世易展省弗時大懼因循久或禋廢
周視剪荆封植維新侵地畢歸什碑復立恭陳菲薦伏謁告虔
神其永寧庇及祚胤

先大夫封贈祝文

維至正二年歲次壬午五月辛未朔二十七日丁酉孝子奉政
大夫江淞等處儒學提舉潛敢昭告于先考祕丞府君潛蒙賴
教育竊有祿位疏恩分土已表生榮進秩升朝載揚卹典伏奉
至正元年十月制書贈奉政大夫秘書監丞駢騎尉追封義
烏縣子慶澤所被下逮一門祇念厥由不任感慕而潛繫於職

守不得躬展彝儀謹遣弟溥淇詣墓次以告謹告

維至正六年歲次丙戌正月庚辰朔三日壬午孝子中順大夫
秘書少監致仕潛最昭告于先考太常郡伯府君先妣郡君童
氏潛忝有仕籍垂三十年幸免曠官克承委祉陳情歸養而奄
罹大故乞身得謝而獲被加恩伏奉至正五年三月 制書先
考贈中順大夫同僉太常禮儀院事上騎都尉追封江夏郡伯
先妣追封江夏郡君今雖無燎黃之法而禮有可以義起莫之
敢廢是用祇薦于墓下音容如在命數維新瞻望松楸不勝感
咽謹告

青詞

行中書省禳火醮青詞

充位備負實難勝於重任遇災知懼爰載控於高真恭啓玄科

黃學士文集卷二十三

四

肅陳丹悃伏念臣等忝登台輔出鎮藩維當祝融司候之初遭
回祿降殃之極始自塵氓之不戒致令府署之靡遺茲蓋臣等
固寵妨賢有負公朝用人之意乖方失政未契天道好生之心
徒據額帝之誠莫遏燎原之勢庸上酬於素款庶永絕於非虞
伏願圓象垂慈災官悔禍群黎甦息復安闕閭之居同字又寧
均賴併懔之力

疏

請如公住寶林疏

師子座上要揚達磨家風龍華會中幸逢彌勒伴侶庶紹隆於
先業益振起於頽綱欲寫渴心無嫌饒舌如公禪師閩南異產
濟北真傳雖嘗以佛法住持不倦於諸方接待急流勇退固知
高尚之情大厦將傾必藉扶持之力迺瞻雙林之勝境猶存十

刹之舊名豈容虛席而莫居是用闢辭以為請得萬間屋何妨
儒釋一家拈一瓣香共祝

皇王萬歲

請欽公住圓覺疏

大覺圓地實此衆之所依妙法華經必有時而乃說是宜虛左
以待司南凡在交游舉同慶幸欽公法師冥搜教網遠紹祖燈
溯流尋源深造四明法窟韜光匿景獨宿蓬萊道山雖有志於
利它初不求於知我惟茲公選匪伊人謀一超直入以無難三
請益虔而弗懈伏冀如佛出世能盡暢於本懷申命自天用增
崇於睿筭俚言不佞慧鑒是祈

追薦先父疏意

資父事君敢憚服勞於遠役叫天叩地驚聞遺禍於私門摧割

黃學士文集卷二十三

五

奚堪奔馳靡及輒陳哀悃仰瀆慈尊伏念潛先父從仕郎温州
路樂清縣尹黃公涉世多艱承家罔缺早膺祖澤僅擬補於一
官晚荷國恩遂疏封於七品方安老境奄迫大期而潛忝預
代言叅陪扈蹕覺帝鄉之天近嗟親舍之雲遙雖未能求忠
孝於兩全何遽至判死生於一別歸程甫畢凶問亟來始知屬
續之辰正在演綸之日病既無由嘗藥斂又弗得憑棺五十年
父子之情晨昏永隔四千里關河之阻冰雪兼行迨獲執喪已
踰卒哭不謹遠游之戒徒銜罔極之悲罪大難容恩深莫報苟
可事亡事死固當從俗從宜匪仗覺曷徼冥福伏願慧光等
照慈蔭下垂彤璽潛通俯鑒不肖孤之意爽靈昭徹速歸極樂
國之居成無上之正真作來生之依怙

祭文

祭永康胡先生文

嗚呼先生古之豪英清風峻標孰可狀名弗崇為高願以文鳴
其文斯何出史入經汲書魯簡武戒湯銘下逮百氏名墨縱橫
旁行數落律令章程包羅揆序弗猥弗并維蓄之厚故施之宏
約其百嘉苞達滿盈歲英斂華根柢一貞以歸于極以集于成
金春玉撞發其和平遠彼曠聾勿使震驚獨抱厥器旅于天庭
胡不廟郊薦之醴醊乃弦乃歌乃佐武城人趨易良俗失悍獍
椎荏熙熙恬為父兄於穆昌辰文事聿興乃謝弔轍乃專鑑衡
賤華貴實樹之風聲磬效所及驅颺走霆學徒嚮方俊良用登
藐此陋微亦累品評贊邑海堧遺則是徵擇士藝闡緒言是承
庶終惠我免夫兢兢曷使中路奪其依憑嗚呼先生為幽為明
有煒斯文揭若日星重江複山煙慘雲冥瞻言遠而泣涕雨零

黃學士文集卷二十三

六

馳辭侑觴式昭哀誠

行狀

元故翰林學士承旨中書平章政事贈舊學同德翊戴輔
治功臣太保儀同三司上柱國追封魏國公謚文忠李公
行狀

曾祖執皇贈濟美功臣光祿大夫平章政事柱國追封韓國
公謚康惠

祖昌祚皇任潞州招撫使贈保順守正功臣金紫光祿大夫
司徒上柱國追封韓國公謚文靖

父唐皇任徵事郎略陽縣尹致仕贈推誠保德佐運功臣太
傅開府儀同三司上柱國謚忠獻母王氏追封韓國夫人
本貫

公諱孟字道復系出後唐李氏世為潞州著姓康惠公金末進士不第以行義見稱於時文靖公歸

皇朝佩銀符使潞州卒於官忠獻公始去家而仕於秦蜀四十餘年乃致其事樂漢中風土之勝因家焉公生而穎悟十歲能屬文稍長益肆力於學讀書日記數千言學既淹貫文愈超卓每考論古今治亂盛衰之故慨然有志於當世然耻於干進屏居閭巷開門授徒遠近負笈而至者翕如也時之名公鉅卿如商公挺王公博文劉公 魏公初至漢中往往折行輩與之交郭君彥通於公為父執名能知人見公魁碩偉岸謂忠獻公曰此郎骨相殊常公輔器也至元十九年侍忠獻公留四川藩閫聞公名將置幕下辭不就改辟主晉康縣簿又辭臺府交章舉之亦不起一日幡然曰大丈夫固不能俛首州縣方令

朝廷更化政治聿新招徠衆正材俊林立獨不可與之並遊乎乃束書如京師行中書右丞楊公吉丁一見輒加器重薦之裕宗皇帝得召見於東宮未及登用而

裕宗賓天楊公遂延致家塾俾諸子師事之翰林諸大老竒其材剡上于中書謂宜置之館閣而銓曹調公主梓潼縣簿非其志也忠獻公方為夔府經歷乃往省焉未幾從忠獻公出峽泝襄江還漢中日以奉溫清具甘旨為事忠獻公勉之入仕乃復北上三十一年

成宗皇帝臨御首命詢訪 先朝聖政以備史臣之紀述公過

關中陝西行省因俾公與諸儒討論彙次成編乘傳以進時

武宗

仁宗俱未出閣

徽仁裕聖皇后求名儒職輔導公首當其選大德元年

武宗撫軍北邊

仁宗時留宮中公日陳善言正道從容啓沃多所裨益受知於成宗持旨除太常少卿當國者以公不及其門沮格不行改禮部侍郎亦中寢

昭獻元聖皇后幸覃懷公以宮僚從戢衛卒無敢侵奪民居在覃懷四年夷險一節信任益專十一年春

成宗陟遐神器暫虛宗王大臣密謀橫變國勢危疑人情洶洶公從兩宮還京師遂與丞相哈剌哈孫荅剌罕等力贊

仁宗削平內難中外晏然定榮迎

武宗入正大統

仁宗即承制以公為中書參知政事公久在民間於閭閻之幽

黃學士文集卷二十三

八

隱靡不究知損益庶務悉中其利病遠近無不悅服然以抑絕僥倖羣小多不樂公不為之少自撓也居亡何言於

仁宗曰執政大臣宜出於

嗣天子親擢今鑿與在道臣未見顏色誠不敢冒當重寄

仁宗不許則逃之許昌築室於陘山澗水間若將終身焉夏五月

武宗即皇帝位

仁宗為太子物色得公所在白于上遣使徵詣闕下至大三

年春正月入覲

武宗於玉德殿上指公謂宰執大臣曰此

先太后命為朕賓師者宜亟任用之三月特授榮祿大夫平章政事集賢大學士同知徽政院事四年春

仁宗皇帝正位宸極真拜中書平章政事進階光祿大夫推恩其先三世且諭之曰卿朕之舊學其悉心以輔朕之不逮公感上知遇毅然以國事為己任慎賜予重名爵覈太官之濫費汰衛士之冗貧貴戚近臣惡其不利於己而莫敢言也前所建新法有未便者奏請革去百司庶政一遵世祖皇帝成憲而行焉

仁宗素崇儒且察見吏弊欲痛剷除之公曰吏亦有賢者在乎慎擇而已上曰卿儒者宜與吏輩氣類不合而曲佑之如此真長者之言卿在朕前惟舉人所長而不斥其短尤朕所深嘉也同僚有積與公忤者人意公必銜之及其坐事見黜公乃力言于上俾殿外蕃且優加賜賚以慰其意聞者莫不服其有容方是時朝野又安民康物阜號稱極治公歛然不自以為功

士大夫或譽之輒謝曰此

聖天子之德也吾何力之有焉乞解機務上曰朕在位必卿在中書朕與卿君臣當相為終始自今其勿復言尋賜爵秦國公上親授印章仍錫書命以褒寵之上在潛邸嘗因公所自號命集賢大學士王顯書秋谷兩大字御署以賜公至是又命繪公像勅詞臣為之贊入見必賜坐與語移時而退惟以字呼之曰道復而不名其見尊禮如此皇慶元年春正月特授翰林學士承旨知制誥兼脩國史依前平章政事尋謁告歸葬其父母于潞州之先塋上勞送之曰卿襄事畢宜亟還毋久留孤朕所望冬十二月入朝上大悅公因請謝事優詔不允然重違其意乃命以平章政事議中書省事依前翰林學士承旨知制誥兼脩國史秦國公大夫令皆公視草史冊所記亦公手

自刑定辟置官屬多時之間人二年夏請歸秦國公印綬不允
章三上乃如其請先是 上與公論用人之道公曰自古人材
所出固非一途而科目得人為盛今欲取天下人材而用之捨
科目何以哉然必先德行經術而後文辭乃可得其真材以為
用 上深然其言遂決意行之延祐元年冬十二月復拜公中
書平章政事依前翰林學士承旨知制誥兼脩國史二年春遂
命公知貢舉及親策多士于廷仍命公為監試官秋七月進階
金紫光祿大夫加勳上柱國改封韓國公職任如故公頻年扈
從上京數以衰病不任事乞歸田里六年乃從所乞解其政柄
復授翰林學士承旨知制誥兼脩國史散階勳爵如故公既退
居散地日以文史自娛每入侍燕間禮遇尤至七年春
仁宗奄棄羣臣

英宗在諒闇中太師帖木迭兒再入相以公前共政時不附已
妄構誣言盡收前後所頒封拜制命降授集賢侍講學士嘉議
大夫意公必辭因中傷之公受命欣然就職夏五月分治院事
於上都至秋乃還略不以利害得失介其意恒謂人曰吾待罪
中書無補於國

聖恩曲宥俾遂間適今既老矣何以報之 上聞而悟其為諧
也恩意稍加焉人望公將復見柄用至治元年春瘡發于股醫
莫能療公知不可復起乃區別家事手書付家人使治墓地於
燕遂以夏四月三日薨于大都和寧坊居第之正寢享年六十
有七以其月十八日塋宛平縣石井鄉 原遵遺命也公薨
後臺臣累疏辨其誣乃給還所收制命而復其元官
今天子念舊圖功加贈舊學同德翊戴輔治功臣太保儀同三

司上柱國追封魏國公謚文忠配劉氏前公二十一年卒納合氏

昭獻元聖皇后所賜前公一月卒並封秦國夫人改韓國夫人俱合葬焉繼室何氏封韓國夫人有子一人曰獻今為資善大夫御史中丞知經筵事能世其家者也公字量閔廓材略過人三入中書事閔休戚知無不言援古證今務歸於至當苟有益於國家雖違衆而行無所憚四方之士為時所推許者甄拔無遺汲引後進未始有吝驕之色品題所及後多知名公退一室蕭然留連觴詠言笑竟日無異布衣時其為文跌宕有奇氣要其歸一主於理詩尤清壯麗逸人爭傳誦之蓋公之歷官行事及平生大略可見者若是而止中朝大謀議既非外間所得聞它所奏陳亦皆自削其藁莫得而詳也公已定謚於奉常而國

黃學士文集卷二十三

十一

史之傳未立許昌有公祠堂翰林學士歐陽玄為之記公詩文有秋谷集御史中丞許有壬為之序潛幸辱從兩人之後濫廁公門生之列公嗣子獻命潛為之狀以俟太史氏之采擇義不敢辭謹撰次如右謹狀至正八年月日門生黃潛狀

元故中奉大夫湖南道宣慰使于公行狀

曾祖某金定遠大將軍心水令曾祖母衛氏

祖伯儀皇任朝列大夫太常丞兼法物庫使累贈嘉議大夫禮部尚書上輕車都尉追封河南郡侯祖母晉氏累贈河南郡夫人

父夔皇任中書省掾累贈中奉大夫河南江北等處行中書省參知政事護軍追封河南郡公母張氏累贈河南郡夫人

本貫

公諱九思字有卿其先家河南而仕於金汾州節度使知開封府者於公為五世祖朝請大夫延津令者於公為四世祖延津府君之子則沁水府君也自沁水府君而上咸葬汴梁金末之亂家譜散落獨存其官稱而軼其諱元光正大中尚書府君嘗給事內廷金亡奉衛夫人遷雲中逮我朝括新附之民以經義試中程得隸於儒籍復自雲中奉衛夫人還居薊丘歿遂葬焉故又為薊丘人中統初禡禡丞相行中書省事于燕承制以為禮部員外郎至元間乃以太保劉文正公薦召見太安閣預定朝儀授尚衣局使久之進丞太常兼法物庫使積階朝列大夫以年老辭不允卒於官叅政府君受知左丞姚文獻公以為中書省書表官尋遷為掾甫逾壯歲而卒左丞魏國許文正公

黃學士文集卷二十三

十一

率諸生哭而誅之後以公貴追贈二代勅詞臣歐陽玄為製碑文凡行治之美恩寵之盛登載甚具叅政府君始封漁陽郡伯張夫人始封漁陽郡君者以家之所在後徙封河南者本其世之所從出也公生四歲而失怙稍長奉尚書府君及張夫人之教深自榮勵博觀經史百氏之書以資其見聞又善為譯語入尚書中書兩省為必闕赤以久次為其提控至元三十一年授承直郎尚舍監丞數與同列奏請禁絕尅減衛士金帛之弊上嘉納而褒賜焉

成宗正位宸極加上

世祖

裕宗兩朝帝后號謚公承上旨預書譯玉冊慶賞之優無與為比大德元年以奉訓大夫知紹興之諸暨州諸暨故為

俗尚氣而喜爭牒訴糾紛為長吏者恒患其不易治公委曲詢訪盡得其情偽擇尤無良者痛繩以法暇日則集州人之子弟於學示以孝弟忠信之說囂譁之風為之寢衰或言其地產水晶砂金使者旁午調民丁採取之闔境皆為騷動公力陳其妄而止七年以奉直大夫知慶元之奉化州歲適大侵被省檄賑台州及昌國之饑比還則州人訴災傷者限已迫吏白宜勿受公悉受之仍與同僚分檢者約若以荒為熟而民無糧可輸則為代輸由是所按視皆得其實仍為畫拯救之策家以四口為率人與米三斗幼穉則半之尋復被省檄賑象山之饑象山斗入鉅海中以道遠而後至者公謂苟俟申請恐緩而無及則權宜半給之且謂如不得請則已償其費已而報如公請前後所活各數千人州民以強劫捕繫者兩人獄已具公察其寃兩人

得不死在官六載治績為諸州最皇慶元年用舉者擢僉江南湖北道肅政廉訪司事未上除朝散大夫兩浙都轉鹽副使其分治也斥去受財敗法者黃巖州判官嘉興檢校吏部鹽司丞各一人由是人知畏憚所部肅然亭戶有實受之官本商旅無浮費之事例課日增羨其以私販坐逮者不得它有攀引民賴以安延祐三年以朝請大夫任江浙行中書省理問官白雲宗僧使權貴冒名爵恣橫不法擅剃度游民四千八百餘人事下公鞠治請謁不行咸伏其辜所徵賦為錢六萬餘緡富民以繼立訴其家財有三十年不得直者公究其實而折以片言其爭遂息七年遷亞中大夫杭州路總管杭為東南一都會素號繁劇公剖決如流庭無留訟至於公上之需一切趨辦未嘗缺乏所造鹵簿法物事尤重自始作至訖功公皆躬督視之包銀令

下人駭於創見公為程其物力足為等級民不病而事以集推選官酒戶必擇大家足以任之者人服其平至治二年除嘉議大夫海道都漕運萬戶歲所漕糧三百餘萬石舟人受糧之地遠則勞近則逸水程之往復則春運為易而夏運為難公皆立法以均之至它禁防具為區處纖悉備至年規官降錢五千緡命道流歲醮事而以牲幣祠于水神祈弭風濤之害公言于朝需官錢五萬緡為子本歲得息一萬八千緡由是官無甚費而所用給足上下便之泰定三年遷通議大夫紹興路總管紹興自洊饑之後二十餘年民力猶未甦公下車即以輕徭薄賦安集流散墾闢荒閑為先務會歲復不登俾州縣募富家出米穀一萬三千餘石錢二萬四千餘緡賑其乏食者一萬四千餘口轉運司科郡民歲買鹽二萬二千四百餘引公為申明減其五

千六百七十餘引民得以少紓拜中奉大夫廣東道宣慰使都元帥其地內雜蠻獠外接蕃夷最為鉅鎮廣西徭人竊發公給其軍餉十萬石而民不知擾仍以便宜分遣屯戍遇其衝突境內帖然海寇殺人于貨者名捕弗獲公為設方略乃悉就擒諸流外之職當選署於大閩者公令以方寸之帑書其姓名而探之吏不得有所高下謁選者雖不得其所欲亦莫不心服焉天曆二年移湖南道宣慰使公聞命就道以宿染瘴癘成疾還憇于杭遂引年乞致仕既得請給以半俸疾亦少間日與寓公遺老方外之士徜徉湖山間以觴詠相娛樂未幾疾復作以至正元年五月一日終于杭之私第享年七十有四娶馬氏再娶楊氏並累封河南郡夫人子男三人長溱以公廢為承務郎平江路同知吳江州事次渭次澤女三人長適粘合泰安次適泚

海上副萬戶石抹宜孫次未行孫男二山壽海壽女二皆幼公
為人介潔而中實樂易平日篤於教子處家儉而中禮御衆寬
而有制勇於行義喜周人之急與諸公貴人交未嘗干以已私
或詢政事之得失苟有可為裨益者亦不靳也公歿歷中外凡
四十五年居官所至去思有碑在奉化則戴先生表元在紹興
則韓先生性實記之秦等卜以是年六月十五日奉公柩葬仁
和縣某鄉黃鶴山之原泣謂潛曰先公官三品法當定謚立傳
勒銘樂石願有述以備考擇潛嘗獲登公之門而公之守越
也又辱效官使於部內知公為詳不敢以不敏辭謹具公世出
行事年壽卒葬如右上奉常及太史氏副在私家庸竝立言之
君子謹狀至正九年月日奉政大夫江浙等處儒學提舉黃潛
狀

黃學士文集卷二十三

十五

元故正議大夫衛輝路總管兼本路諸軍奧魯總管管內
勸農事知河防事盧公行狀

曾祖鉉贈中順大夫中山府知府上騎都尉追封范陽郡伯
曾祖母王氏追封范陽郡君

祖璉贈亞中大夫東昌路總管輕車都尉追封范陽郡侯祖
母喬氏追封范陽郡夫人

父克柔中奉大夫河南江北等處行中書省叅知政事贈通
奉大夫河南江北等處行中書省叅知政事護軍追封范
陽郡公謚文昭母翟氏追封范陽郡夫人李氏封范陽郡
太夫人

本貫大名路開州濮陽縣

公諱景字彥遠其先出於范陽盧氏五季之亂靡有定居後由

鄭之河陰徙滑之胙城自中山府君而上皆葬胙城之班聖固
歲壬辰東昌府君仕于開州因家焉故今為大名路開州濮陽
縣人文昭公蚤有時名兩府大臣交舉之

裕宗皇帝時在東宮召見與語大說留寘左右願遇日隆由樞
密院架閣庫管勾歷典要職出秉憲節入陪台垣事任益重自
僉樞密院事拜叅知政事治河南江北以疾歸京師薨于里
第訃聞官勲封謚恩數有加尋返塋濮陽之黃斌原有子二人
長亘博學而善為文用姚文公薦入翰林國史院為編脩官五
遷至待制皆兼編脩以久次當通陞奏未上而卒次即公年二
十以材選備宿衛受知

成宗皇帝給事禁闔扈從屬車備殫勞勩丞相興元忠憲王尤
器重焉居三歲授承直郎都水監丞河決東安州之藍合秀隄
盡毀水行地上冒原田敗廬舍事聞于朝以為不亟治將益
壞有旨命公總其役公量事期審功用鳩材庀工不踰月而
隄復合民無久役之苦而獲安其居莫不深德之改御帶庫副
使以恭謹被

武宗皇帝眷寵彌厚嘗賜以玉帶公叩首力辭不敢受

上嘉其廉讓而有禮累遷奉政大夫資乘庫大使朝散大夫沙
糖局提點踐駁既久能稱籍甚朝廷欲疇其民庸而圖任焉
乃以公為中順大夫江陰州尹至治二年也建言者謂浙右之
民困於徭役宜令大家割田為之助事下行中書首檄公講行
之公稽驗民籍以其田之多寡第為三等取之既不失其平且
勸之母徒以硤瘠充數凡所得皆上腴使役於官者輪掌其歲
入儲以待用由是民不告病公每謂長民者固在於厚其生然

不可以無教用是尤垂意於庠序之事州學舊有明倫堂歲久傾仆賴公而棟宇復立後生小子始有考德問業之所人咸稱公可謂得師帥之職矣陞中大夫衢州路總管公順其土俗所宜以為治摧奸猾扶善良健訟之風為之衰息盜起常山劫取民家貲財官兵捕之急株連甚衆有平民為仇家所構陷指為賊首吏莫能察掠治使誣服公疑有寃為詳讞而得其情誣服者以不死株連所及亦皆免於非辜人以為神明歲饑捐圭租以活流孳為惠尤大在官五年去之日如始至父老為伐石以紀遺愛焉遷嘉議大夫處州路總管公鈞考學廩得羨糧八百石大興土木自禮殿論堂書樓齋室至于門廡煥然畢新學田為青田豪僧所據者十百畝已四十餘年前是為郡者皆莫能正公按視舊牘始究其實而悉還其故士之為養益充弦

誦之聲洋洋相聞間有自奮於科級者事見太常博士柳貫所為記行中書省嘗諉公封舶泉南秋毫無取富商大賈咸戴其德亦為立石於東郊以頌美之公既書滿奉李夫人寓居於江陰初翟夫人生公八年而歿李夫人實撫育公至于成人公事之以孝奉晨昏具甘旨恒恐或缺遇疾病則嘗藥以進宦轍所屆遇佳山水侍板輿婆娑嬉游必盡其歡或遠不可迎致輒徘徊思慕不能自已李夫人壽九十有三而終公方持服俄有正議大夫襄陽路總管之命辭不拜服闋改衛輝路總管未上至正三年九月二十二日以疾卒于寓舍享年六十有一元配劉氏繼室邢氏史氏並贈范陽郡夫人子男四人長僧孺用文昭公遺澤補官累陞奉直大夫冀寧路崞州知州以公憂不赴今以遷調為泉州路總管府判官次弘志方治進士業次慶孫次

添孫俱幼孫男二人女一人僧孺等以至正四年秋某月自江陰奉李夫人及公柩還濮陽其年某月某日祔

林公之子鎮國寺善佑庫

仲父居中則歷事

法

當賜謚立傳宜有狀上于奉常及太史氏且以其副乞銘於當世立言之君子揭諸墓隧以示方來而僧孺出佐邊郡縻於官守俾弘堅躋門以請吾子其母讓潛幸嘗辱與公有雅故不敢以不敏為解第媿與公游之日淺莫能備著其詳謹以所知者序次如右以俟采擇

金華黃先生文集卷第二十四

續葉二十一

神道碑

臨川危素編次

番禺劉目校正

中書右丞相贈孚道志仁清忠一德功臣太師開府儀同三司上柱國追封鄆王謚文忠神道碑

至正八年春正月五日

皇帝御興聖宮便殿中書省臣以故右丞相鄆文忠王神道之碑未建奏請 勅臣潛為之文以賜其家俾刻焉臣潛竊惟

之宏模偉度山高而海深非末學小臣所能窺測懼無以稱塞 明詔願以待罪太史屬職在記述不敢伏 闕控辯

則退而考其世次官伐行事之實序而銘之 死以上謹按王

諱拜住系出札剌爾氏六世祖諱孔溫窟哇從

太祖皇帝伐乃蠻以已馬濟

黃學士文集卷二十四

一

太祖步戰而殲贈推忠效節保大佐運功臣太師開府儀同三司上柱國追封魯國王謚忠宣六世祖妣諱闊夔追封魯國王夫人五世祖諱木華黎從

太祖皇帝滅克烈

太祖即帝位以為左萬戶從破金入燕專征遼東西諸郡授太師國王都行省承制行事建牙于燕以經畧中原金主南奔齊魯趙魏晉秦之地次第悉平臨終以金人未滅為憾贈體仁開國輔世佐命功臣太師開府儀同三司上柱國追封魯國王謚忠武五世祖妣諱普合倫追封魯國王夫人高祖諱字魯嗣國王奉

太祖皇帝命攻西夏定河北平山東以功食東平郡贈純誠開濟保德輔運功臣太師開府儀同三司上柱國追封魯國王謚

忠定高祖妣諱合薦輝追封魯國王夫人曾祖諱霸都魯從
世祖皇帝伐宋為先鋒元帥已渡江與
世祖會鄂州而

憲宗崩

世祖俾總師留屯而還歿于軍贈推誠宣力翊運功臣太師開
府儀同三司追封東平王謚武靖曾祖妣弘吉烈氏諱錢木倫
昭睿順聖皇后女兄追封東平王夫人祖諱安童事

世祖皇帝掌環衛之政令位百僚上拜中書右丞相食四千戶
佐 皇子北平王出鎮北邊十年而歸復拜中書右丞相贊
上冊 皇后 皇太子議規襄陽以取宋所薦史忠武公

天澤妣文獻公樞許文正公衡商文定公挺皆時之宿望以阿
合馬乘葛尚書省之政誤國害民而力斥之立御史臺以正朝

黃學士文集卷二十四

二

綜立大常寺以崇典禮定強竊盜賊論罪輕重法以止濫殺語
國朝之賢相必以為稱首贈推忠同德翊運功臣太師開府儀
同三司追封東平王謚忠憲加贈推忠守正同德翊運功臣上
柱國進封魯王餘如故祖妣怯烈氏諱普顏忽都累封魯王夫
人考諱兀都台

成宗時襲掌環衛以大司徒領太常寺事贈翰誠保德翊衛功
臣開府儀同三司太師上柱國追封東平王謚忠簡加贈宣力
迪慶保德翊運功臣進封兗王餘如故妣篤思刺氏諱吐薛怯
溫累封兗王夫人忠宣忠武兩王故有廟于東平

英宗皇帝特賜以碑額曰元勳世德別賜忠憲王開國元勳命
世大臣之碑 勅翰林侍講學士元明善製為銘辭樹于王

所食采地范陽之通遠曰臨幸而觀焉號其地曰馳蹕莊云王

生五歲而孫亮王夫人撫育備至令知文學者陳聖賢孝弟忠信之說以開導之聞輒領解大德十一年

武宗皇帝入正大統王甫十歲迎謁道左 上親執其手慰

籍久之人見王寤然公輔之器相與屬目謂有祖風至大二年

嚴掌環衛歷事

仁宗皇帝眷注尤深延祐二年擢資政大夫太常禮儀使四年

加榮祿大夫大司徒仍領太常五年遷金紫光祿大夫六年進

開府儀同三司七年春三月

英宗皇帝嗣位拜中書平章政事初

上在儲闈王之令譽日間於左右遣使召見王謝曰以扈從之

臣而往來宮邸嫌疑之際不可不謹臣之獲罪固無所避亦豈

太子福耶 上嘉其有識可屬大事由是首登用焉故事

黃學士文集卷二十四

三

天子即位之日必大會諸侯王讀

太祖寶訓是日命王啓而讀之王風儀峻整音節鴻亮聽者肅

然夏五月加上柱國錄軍國重事進拜中書左丞相先是

東朝嬖倖佞寵于政首相帖木迭而頗與之相為表裏

仁宗不悅解其政柄無何 上崩

英宗在諒闇中遂復出居相位睚眦之怨必報一時善類遭其

誣讒多陷於不測之罪其黨與以權勢相軋而日生罅隙亦莫

能自全王與之並相獨堅持正論不少回撓遇僚佐闕必公選

掄而用之臺臣奏疏謂君子小人不可同處首相以為讖已而

深銜之顧未有以發至治元年監察御史言大歲在酉不宜造

寺於西山遂指以為謗訕言者既橫加酷罰日盡斥舊臣而援

鐵實為御史大夫又以其子八里吉思為宣政中政等九使瑣

南為治書侍御史姁黨分據要途秋 月王自上京視事于中書首相稱疾不出以伺間而謀為中傷已而言疾愈將出上使止之氣乃沮二年秋遂以病死八里告思與姁人安獻民田而胃受其直王奏誅之又奏黜瑣南以通言路冬十一月三拜中書右丞相監脩國史 上為虛左揆之席以示圖任之專仍降 詔布告于中外王舉前平章政事張珪與之共政集大臣及故老詢所以弭日食地震之變士大夫遭擯棄者咸以所長叙叙文學之臣則待以不次之除格內降待銓者六七百人振舉學校而士知所作興脩明條制而吏有所遵守減江南民租八十餘萬石設宗仁衛贈蒙古子女之奴於民間者以隸馬朝廷政令聳然一新四方之人無不動色胥慶上之始臨御也以察罕腦兒行宮身麗殿規制褊迫命改作而

侈大之王引節用愛人使民以時之言極諫而止又將以元夕結綵為山張燈禁中參議中書省事張養浩上疏諫王亟以聞即命罷之仍賜美錦以旌其直

仁宗嘗升祔而廟無其室王傳 旨集諸儒議僉以為廟之始建前殿而後寢今寢已燬于灾宜更作前殿為間十有五其中三間為

太祖室以脩衿享 列聖神御間為一室東西兩間為祧而

以今殿為寢 上可其奏廟制乃完 上欲躬行享祀之

禮王進太常所纂儀注 詔頒下有司卜日有事于太廟始

脩 大駕鹵簿建太常十有二存列黃麾仗五千人

上服通天冠絳紗袍出自崇天門眾庶聚觀儀衛文物之盛莫不感歎以為三代禮樂復見於今及行事王攝太尉

被袞冕執圭瓚裸獻禮成還宮王率群臣稱賀于大明殿
推恩錫賚有差 上嘗坐穆清閣顧謂王曰今亦有如唐魏

徵之敢諫者乎王對曰槩圓則水圓孟方則水方有太宗納諫
之君則有魏徵敢諫之臣 上稱善或勸 上純任釋氏

之法以治天下

上問王何如王曰釋氏之道貴清靜寂滅

可以自治而不可以治人帝王之仁義禮樂乃所以為治也

上默然有

旨俾王提調大司農王曰宰相之職無所不統

寧獨大司農耶

上以為知大體嘗賜以金脊殿車又嘗閱

寶玉於章佩監命惟意所擇皆力辭尋

詔姁宗室女又辭

命國工繪王像

勅翰林侍講學士袁桷為之贊

御書

唐皮日休吾愛房與社魁然真宰相黃閣三十年清風億萬古

之詩以賜之蓋期望之也至矣王亦感

上殊遇自任以天

下之重事有當施張知無不為既盡發故首相欺悖之迹削其
官爵仆其碑籍其家皆公死黨者多謀不利於王左右請為之

備王曰吾盡吾心上不負吾

君吾祖父下不負吾士民而

已何備為然深患讒言之興曰侍燕間從容奏曰

陛下不

以臣年少無似使偷負宰相方務彰善癉惡期致隆平苟有沮
之者則臣不能有所為矣 上曰卿第勉之果有間言朕不

聽也三年夏

上時巡甫至上京夜寐不寧趣大作佛事王

曰財從民出國以民安殫財困民未見其福

上矍然曰朕

所創惟壽安山餘皆完其富爾民亦以為病乎自今其輟土木

之沒既而負罪懼誅者復陰誅群僧言

國當有厄非作佛

而大赦無以禳之王叱曰爾輩不過圖得金帛而已又欲

有罪耶姦黨聞之皆失色而八里吉思之罔上為姦利事連

實恐不自保遂與赤回帖木而等潛蓄異謀其年秋 乘輿
還次南坡

帝崩王亦及於難王生於大德二年春三月八薨於至治三年
秋八月四日享年二十有六以是年 月 日葬于大都宛平
縣 鄉田村之原秋九月

晉王入繼廷臣族誅命奉王像祠於海雲寺泰定元年贈清忠
一德佐運功臣太師開府儀同三司上柱國追封東平王謚忠
獻

今上皇帝至元元年又 勅翰林直學士歐陽玄贊王像歲
于秘書監 年加贈孚道志仁清忠一德功臣進封鄆王

改謚文忠太師開府儀同三司上柱國如故祖孝皆加贈進封
馬夫人諱安安徽太府卿土祿不花之女婦道母儀協于閭範

黃學士文集卷二十四

六

王薨省臺各奏賜鈔十五萬緡

今上又賜金五十兩鈔五萬緡歲給諸王供膳衣物仍

勅奎章閣學士燮燮大書表其所居曰貞節之門夫人生於大
德四年夏五月二十日薨於至正三年夏六月八日享年四十
有四以是年 月 日合葬于王墓由東平夫人進封鄆王夫
人賜謚貞靜蓋異數也子男二人長荅利麻碩理虎符宗仁蒙
古衛親軍都指揮使後王 年卒次回牙納碩理

文宗時賜名薦麟鐵穆爾聶職環衛虎符宗仁蒙古衛親軍都
指揮使時十有一 上見其朝服列於班行神采煥發甚愛

重之命受經於奎章閣歷崇福司太常太禧兩院使大宗正府
也可札魯忽赤宣徽使知樞密院事中間惟兩翰林院皆再入
為學士承旨今以特旨遷大司農仍舊階開府儀同三司端粹

博碩尚文而下士當承平無事時侍 上起居弗懈益度人
以為能世其家臣潛歷觀帝王之肇基立極必有元才鉅德應
期而出以翊扶昌運十亂造周三傑興漢戴籍所記垂輝于齡
然闕散之後相業無傳蕭張之家侯封莫續有如王之恢張先
烈乘時奮庸為國世臣同休共戚委祉于後繼述有人可謂卓
冠古今夔絕倫比也已矧惟昔之名臣或前規後隨以相成或
應變守文而共濟未有不同心戮力而能光輔帝室者王以勲
賢貴胄夙受 主知魚水之親昭合無間而所與共立者非
其人王獨精白一心盡悴事國力摧百壬之鋒訖使 朝廷
百官四方遠近莫敢不一於正蓋其事視古人為尤難雖遭值
變故而平生大節彌久益著又亘古之所未有播之聲詩以震
于無垠夫亦勸忠之道也百世之下尚鑒于茲銘曰

黃學士文集卷二十四

七

大明麗天赫赫

英皇巖石爾瞻侃侃鄆王惟王之先鷹揚塑手挈中原歸奉真
主異才間出騰風躍雲克濟其美為 國虎臣

聖神撫運統一寰宇轉旋鈞軸 生碩輔垂紳正笏乾清坤寧
經綸之業惟王敬承左右 朝服勤帷幄靖共正直執事

有恪乃世其官典領奉常乃授以政乃登廟廊崇儉抑奢諫行
言聽乃宅百揆以佐出令仁漸義摩文恬武嬉禮樂之興遠惟
其時龍旂承祀肅肅在廟惟時顯相丕揚聖孝德教所加望治
有期孰使共兜接武夷變緬彼滔天屹乎砥柱不震不竦衆正
所枯福善禍淫天道之常魁柄既專化弦乃張曠靈滌盪天青
日白禱杙鬼瑣莫掩其迹蹈于危疑構茲閔凶萬姓之悲攀髮
抱弓金支翠蓋神游寥廓英姿爽氣清風延閣增崇位號惟

帝念功勩辭畧堅予以勸忠尚其嗣人咸有一德與國同休永無極

江淞行中書省平章政事贈太傅安慶武襄王神道碑

至正八年春正月二十日丁巳

詔贈故江淞等處行中書

省平章政事也速解兒推忠宣力守正佐理功臣太傅開府儀同三司上柱國追封安慶王謚武襄於是王之薨五十年矣皇上續承鴻業追念奮勩不以存亡久近為間渙頒異數以照臨之甚盛德也臣潛承乏詞林既推述

聖意形諸贊書三月丁酉朔

上復用中書奏

勅臣潛考

功業勩茲樂石臣被命而退

謹即王之孫今上都留守古納利訪求王世系官闕行事之實序而銘之王元名帖木兒

黃學士文集卷二十四

八

成宗御極避而易名諱曰也速解兒系出兀里養哈解氏其先折里麻生合赤溫合赤溫生險班於王為曾大父有子二人曰忽魯渾曰速不解俱以驍勇善射稱忽魯渾則王之祖父也以哈必赤百戶事

太祖皇帝哈班嘗從

太祖飲班術納河之水遇盜舉槍欲刺之為忽魯渾反鋒所刺人馬俱踏又嘗從

太祖避乃蠻追兵於長城之南忽魯渾射却其渠帥餘衆夜自相驚而潰中原既定方論功行封不及祿而卒父曰哈丹大宗正府也可札魯忽赤母曰

王生於朔漠資稟雄毅沈重

有謀讀書能知大意弱齡入侍

世祖皇帝列職于環衛以忠謹深被眷知速不解之孫是為丞

相河南武定王阿朮受 詔伐宋王於武定為從弟武定察
其材智絕人可為已貳言於 上挾與俱行從武定破樊城
下襄陽至元十一年

世祖命丞相淮安忠武王伯顏與武定大會師于襄陽分軍為
三道並進忠武與武定由中道將濟江忠武密謀於武定為構
虛之計王從武定以昏時沂流行二十里夜半絕江徑渡黎明
與宋將夏貴大戰陽羅堡拔之遂取鄂州順流而東宋都督賈
似道與大軍相拒於丁家洲其前鋒孫虎臣來廷戰武定俾王
乘高覘之見其陣執首尾橫決以戰艦衝擊之似道先遁十三
萬軍一時俱潰王從武定追奔逐北百五十里所至禁部曲不
得侵暴敵人委棄資仗悉以與將士莫不畏其威懷其惠而樂
於趨事赴功十二年有 旨行中書省駐建康行樞密院駐

黃學士文集卷二十四

九

鎮江別 勅武定攻揚州武定俾王率蒙古軍鏖戰揚子橋
出奇兵斷真州譚道宗將張世傑以巨舟萬餘艘屯揚子江中
流王從武定領伉健善射者夾射而急擊之繼以火矢灼其蓬
檣大敗世傑于焦山下自是宋人不復能軍凡大軍與宋人接
戰王無不在其間十三年宋以國降十四年 朝廷第功行

賞授行中書省斷事官階懷遠大將軍十五年轉昭勇大將軍
十六年除淮東道宣慰使遷鎮國上將軍奉省檄馳報邊事王
謂機事不可不密入對便殿出奏牘于懷 上大奇之名近

臣知文墨者使進讀而左右適無其人王拜而言曰臣亦粗知
文墨乃誦其文而釋以譯語音吐明暢辭旨精切 上悅令

縱橫行殿中而默察之知為偉器諭宰臣俾與共政遂以參議
中書省事它日奏事殿中問居何職王以實對 上詰宰臣

曰朕初意以為卿同列置之僚佐何耶二十二年丞相魯國忠武王安童自北邊歸秉政為

世祖言帖木兒蒙古人而於漢人語言文字無所不通久淹下位宜并用之其言適契於

上意問居其上者為誰對曰參

政郭佑參議禿魯花拜降即日命為中奉大夫中書參知政事位郭佑上仍勅之曰自今事皆責成於汝二十三年進資德大夫中書左丞二十四年尚書省立拜榮祿大夫平章政事甫視政而宗王乃顏叛扈蹕親征給餉運籌備殫其勤既平乃顏群巨從屬車奏凱而歸王復與諸將留兵討其餘黨金家奴塔不解惑戡定之乃還

上以王主事素薄賜鈔五千緡王曰奉

臣前出軍至亦乞列思之地有來供餽鄉尊者

上命厚賞

之二十七年武平地大震姦人乘災異相扇搖藩王為其言所

黃學士文集卷二十四

十一

動者三人民大惶惑

上慮乃顏之黨曰而為變遣王引兵

五百人往撫定之王率有司齋沐禱于山川百神以便宜蠲田租弛商稅除酒禁發鈔四萬二千緡運采萬石轉海而至以賑其乏絕教民毋惑於訛言捕斬乘時為盜者無少貸收三藩王而鞠之始皆倔強不伏既得其情徐諭以禍福之重輕乃伏其

辜事聞

上甚疑之遼陽行省治懿州驛道自北京至上都

頗迴遠王曰奏讚使由高州以北而減去五驛其三以備它驛人戶物力之乏絕其二以隸虎賁司給土田牛具俾之立屯公私咸以為便方是時朶哥在相位已久專恣日甚誣陷忠良賣罪狀會侍從近臣亦有顯斥其姦者朶哥及同惡皆誅死王以是益為上所親信

年拜江浙等處行中書省平章政事

仍舊階榮祿大夫

成宗皇帝以王先朝舊弼委任愈專江浙省治錢塘寔宋之故都所統列郡民物殷盛國家經費之所從出而又外

控烏夷最為巨鎮非朝廷重臣莫克任蕃屏之寄王威望素著蒞事伊始風采一新屬部帥守重足而立以俟要求權貴無或敢撓其政豪強震懾田里晏然大德二年秋八月十九日

以疾薨于位享年四十有五其年 月 日還葬于大都宛平

縣郎山之原王性剛直而善於自持雖異己者莫能伺其間隙由是始平無庇然喜汲引人物凡所甄拔後多知名王之配曰忽都追封安慶王夫人子男三人曰忽剌解江浙等處行中書省平章省平章政事曰探迪御史中丞曰木八剌沙南陽府達魯花赤女一人曰卯罕適斷林學士承旨朶解孫男九人脫因

黃學士文集卷二十四

十一

納陝西諸道行御史臺御史大夫紐兒該同知都護府事古納剌由江制等處行中書省平章政事權江南諸道行御史臺御史中丞今以榮祿大夫為上都留守兼本路都總管府達魯花赤

完者不花金保也篤古八剌臣潘竊觀自昔君臣際會之盛或策勳于行陣之間或訏謨于廟堂之上未始不各效其所長若王之出入將相豐功茂烈彌久益彰蓋亦鮮矣是宜沒而不亾克承 天寵慶流後裔與

國家相為無窮者也垂于竹帛被于弦歌光在邦家豈徒賁其丘隧而已乎銘曰

氣運合一寔生偉人惟材之完出武入文

聖神御天誕受方國猶有江流限夫南北赫赫元戎上所倚毗屹屹虎臣左之右之潛師宵濟投鞭勇往訖成雋功光膺上賞

乃居屏翰乃登廟節身屬橐鞬取彼叛王旄頭約尾凱旋京闕
分兵後拒剪其餘孽將指東藩假以便宜力止訛言俾民不迷
權姦擅國簧鼓

聖德朝綱紊弛民不堪命白發其私靡所覆藏揚于大廷解弦
易張肅持政柄坐鎮南服枹鼓不鳴家給人足庶造其歸交衣
繡裳胡不慙遺奄其淪亡時逾四紀綿綿世胄咸濟其美賜履
之篤瞻彼郎山有封斯崇生氣凜然拱木清風念奮曷功褒美
有詔申勅詞臣薦此碑號

宣徽使太保定國忠亮公神道碑

故榮祿大夫宣徽使峇失蠻以延祐四年九月五日薨于位享
年六十越三日葬于京城東杜樹辛莊其明年制贈推誠定力
守正功臣太保金紫光祿大夫上柱國追封定國公謚忠亮又
六年史臣禮部尚書曹元用始奉

黃學士文集卷二十四

十二

勅撰次公行業以為神

道之碑又二十四年是為今

上御興聖殿西便殿翰林學

士承旨臣岳柱為奏請命臣潛繼元用為之銘以賜其家碑刻
焉謹按公諱峇失蠻其先西域人系出哈刺魯氏曾祖馬馬贈
集賢學士正奉大夫護軍追封中山郡公祖阿里贈資德大夫
司農卿上護軍追封中山郡公父哈只贈榮祿大夫司徒柱國
追封定國公曾祖妣太帖尼氏祖妣忽委氏並中山郡夫人妣
阿兀思吉氏定國夫人初集賢公在西域為其國之近臣素個
儻有大志知 天命之有歸當

太祖皇帝正大位之六年歲在辛未奉其國主阿爾思蘭來覲
于龍居河司農公前卒乃以司徒公為質子時年尚幼

上命育于春坊稍長事

太宗皇帝為寶兒赤寶兒赤蓋古內饗之職最為親密司徒公以恭謹尤被寵遇扈從西征有功妻以河西貴族定國夫人也世祖皇帝取南詔伐宋司徒公皆與在行尋以疾卒公少隸父職為寶兒赤

世祖甚愛重之嘗侍

上左右極論阿合馬尚書省之政蠹

國病民

上怒而斥之曰無預若事公徐對曰犬馬知報其

主臣世荷國恩事有關於治亂安敢坐視而不言其後阿合馬死尚書省罷 上乃思其直賜以玉環及鈔二千五百緡且

諭

旨後有所知其盡言毋諱從討叛王乃顏有功妻以名

族女脫脫倫氏仍賜良馬白金佩服珍異之物抗海之役督餉餽於雲中 晉王軍乏食給以米數千石師還以專擅待罷

黃學士文集卷二十四

十三

上善其有識量而知權變嘉歎不已賜白金百兩鈔十五百緡公回奏草青畜肥之日尚賒今所給未充恐終不免轉死請增給以半年之食 上從之衆賴以安會復立尚書省公以前

有

旨得盡言遂指陳其非便言尤剴切暨乘葛伏誅而其

言皆驗

詔賜宅一區固辭乃賜玉環及燕服以旌其忠禮

遇之厚有加於前

成宗臨御之初以奉議大夫領供膳司事叛王海都稱兵內向車駕親征倍道兼行晝夜不息士卒已疲而後軍不繼公諫曰獨往恐生它虞宜徐行俟衆大集而後進乃可為萬全之策上聽其言後數日戰大捷海都敗走凱旋而歸第功行賞賜以田三百畝尋擢司農丞進職為卿與其子買奴侍 上疾於卧內連數月衣不解帶疾少間賜以鈔二萬五千緡

成宗賓天公北迓

武宗皇帝於野馬川歸正

宸極

仁宗在儲闈以公

先朝舊人奏為中書叅知政事仍兼司

農卿賜以金帶犀帶七寶笠珠帽珠衣金五十兩田二千畝

仁宗踐阼首命僉宣徽院事同列以出納不謹陷於私罪公獨

不汗其事仍充舊職歷副使同知院事遂為其院使累階榮祿

大夫嘗侍坐侑食問以典故從容奏對委曲詳盡深稱

上旨賜玉帶海東白鶻且命國工為之繪像其取重如此俄以

疾不能朝遣尚醫診視竟不可為臨終告其諸子曰人之墮其

世業者必自貪與奢始汝等能兢兢自持不苟取不妄用恒以

忠 君報國尊祖睦族為念吾死無憾矣語畢而逝公持身

介潔寬厚愛人輕財樂施人有忿爭搆怨得一言莫不為之釋

黃學士文集卷二十四 十四

然咸稱其長者元配納思馬立氏婦德母儀族黨稱焉生三子

一女前公二十九年卒封定國夫人繼室即

世祖所賜脫脫倫氏尤篤於慈愛視三子如己出示封定國夫

人子男三人長買奴累官河南江北等處行中書省平章政事

今以翰林學士承旨榮祿大夫致仕次忻都資善大夫上都留

守兼本路都總管府達魯花赤後公十八年卒次怯來資善大

夫同知宣徽院事孫男六人亦老荅而闡遺少監哈八 同知

河東都轉運鹽使司事不蘭奚黑驢王家驢木八刺魯孫男八

人臣潛奉 詔書詞謹悉取前史巨所述公平生大槩備著

之而申之以銘予以昭示

聖天子之追錄舊功不以久近為間百世之下何日而忘之哉

銘曰

惟皇建極立賢無方左右侍從咸懷忠良猗歟定公啓家西域
肇自高曾歸于有德奉其所事共惟 帝臣荷天之寵傳及
子孫遂公而昌懷材自奮出從征伐入陪顧問密勿告猷連柱
大姦不以所長守夫一官乃位列卿乃居政路乃贊國徽綴班
台輔身後之榮赫其龍光惟

帝念功雖遠弗忘屬辭比事儒臣之職是不一書薦以新刻

遼陽等處行中書省左丞亦輦真公神道碑

故遼陽行省左丞亦輦真以至正七年冬十月二十有二日薨
于位年五十有二訃聞

天子為之嗟悼不已知樞密院臣老章亦輦真之弟適宿衛禁
中 上弔慰之詔有司護送其喪還葬遂以八年春三月二
十有四日葬于真定樂城先塋之次而神道之碑久未有銘其

黃學士文集卷二十四 十五

年冬十月十有三日 上御明仁殿樞密臣僚入對殿中知

院事臣阿吉刺臣忽先臣也先帖木兒等皆老章之同列乃代
為奏請 上既可其奏遂傳 旨翰林命侍講學士臣潘

為文學士承旨臣起巖書丹別勅禮部尚書臣泰不花篆其額
臣潘謹按公諱亦輦真偉吾而人上世為其國之君長國中有
兩樹合而生瘰剖其瘰得五瘰兒四兒死而第五兒獨存以為
神異而敬事之因妻以女而讓以國約為世婚而秉其國政其
國主即今高昌王之所自出也公五世祖之官為的斤必里傑
忽提譯言智福大相也四世祖小云失脫忽憐之官為吾魯阿
烏只譯言大臣也父子俱從其國主來歸于我

太祖皇帝小云失脫忽憐尤見親幸未嘗輒去左右從西征有
功令侍

睿宗皇帝於藩邸

莊聖皇后子視之以為斷事官真寔

睿宗分地遂以為達魯花赤俾世襲其職曾祖諱八丹銀青榮祿大夫大司徒祖諱刺真事

世祖皇帝為榮祿大夫中書平章政事考諱察乃事

仁宗皇帝為金紫光祿大夫陝西行御史臺御史大夫至治中入為通政使用新制樞榮祿大夫泰定間終於光祿大夫中書平章政事公幼敏慧不喜與群兒狎長者偶見其飲酒責之曰是兒少嗜飲它日可觀其成立乎公聞之即絕飲而深自飭厲年逾二十為

英宗皇帝御位下必闕赤泰定初為內入府宰相高麗嗣王阿難答失里既罷位其從父弟完者篤懇于

上曰我父兄也

黃學士文集卷二十四 十六

彼父弟也烏得為王阿難答夫里來朝遂留弗遣而收其印章是有 旨命公以阿難答失里復國公具宣德意以告其

境之內無不悅服初公弟老章從

皇帝北狩間關虎口調護 聖躬親幸無與為比

大駕還自朔漠公與一二人臣奉

皇帝璽綬遠迓于傑堅察罕 上大悅獎諭之曰卿祖父克

有勲烈兄弟倫殫勤勞忠孝萃于一門惟予一人汝嘉即除翰林學士資善大夫蒙古教官之選壅滯已久俾幕僚閱其牘而一清之故事藩王入朝從翰林求進止餽遺交錯悉拒弗受遣使諸王必慎擇其人未嘗辱命

今天子嗣位之初擢資政大夫河東山西道肅政廉訪使召還除道政院使奉詔巡視驛傳公不憚險遠 歷答失八刺哈

孫拒晁火兒目連之地事有當更革隨宣處置人咸便之大同東勝州之吳灤永興馬牛三驛牧馬草地為諸人所侵冒訟久弗決公被旨按問得其實十二鄉之人百有餘家冒耕其地已十六七年一旦同聲辭服願返所侵地公為正其經界而緩其歷年之租賦公家三世領通政院事每以扶殘拯弊為務遇災沴必奏請加恤之後使者或牽於勢而不能行其所欲為皆歎服曰非刺真平章子孫世其官不可也感公德者相與樹碑於灤陽驛以頌美焉遷山東東西道宣慰使鈔法之不道蓋法之為民病者悉建白而更張之歲旱有禱輒應形於歌謠事間有詔獎諭俾仍舊職而升其位序於帥座之首未幾淮穎羣盜竊發鄰郡騷然沂莒滕嶧四州當其衝民害尤酷上命公捕治之時同僚悉移疾避去父獨任閫事使至即行不

宿命於家若豫倫然宣靖王尋遣怯薛丹十人與諸郡兵來從至邳州境內遇海寧賊兵二百官軍皆解散公僅與十二人當其首賊且擊且射賊衆披靡追奔逐北十餘里斬首七十餘級其黨皆創殘而潰公亦以矢盡迴沂州收兵復出往來逐捕殺健不可數計俄拜遼陽等處行中書省左丞公曰代者未至我安可辭其責諜知盜在膠州整兵行至沂水而代者至乃還後人賴公區畫素定故不勞餘力而掃除其遺孽遼陽久不雨民間公至曰是在山東能致雨者吾屬無憂矣公視事之日果應禱而雨民飢則為之設法以勸分簿關市之征以通商旅米價頓平人無艱食之患公才智出於天性操守得於家傳遇事立決嚴不失於苛寬不失於縱所以至有聲在遼東三年鎮之以靜識者以為得大臣體遞以一疾不起人尤痛傷焉夫人卜

顏金貴族完顏氏陝西行中書省右丞教化的之女累封范陽郡夫人柔嘉貞順克盡婦道見稱於姻族公兄第十人兄曰字字實中奉大夫河東山西道宣慰使曰老漢弟曰老章光祿大夫知樞密院事曰草地里中奉大夫真定路總管府達魯花赤曰捏烈禿資善大夫官傳曰荅刺海曰羅羅中奉大夫江東建康道肅政廉訪使曰撒馬篤 大夫中書叅知政事曰伯顏帖木兒朝散大夫光祿少卿字實老漢荅刺海羅羅皆前卒夫人以公喪至知院公率諸弟送于通州而殯于京城南佛舍權慕號泣哀動路人其既葬也夫人自真定使來告于知院公曰茲幸獲襄大事而公歿無遺胤恐其行能勞烈久遂湮沒盍思所以圖其不朽於是知院公諗于僚友以聞夫人可謂賢有識矣龍光下賁炳耀泉壤云其庶幾無憾矣乎銘曰

黃學士文集卷二十四

十八

聖神受命萬邦來同群木雪合咸在穀中惟公之先夙陪禁近地官之貴躋榮一品積慶所鐘篤生後賢再世辨章相業是傳公方盛季峻躋內相升華文苑為時雅望出持使節風采振揚昭宣 皇度肅正官常奉貢修職布德施令傳置所達國之大政總以專使患夫才難夫孰如公克世其官來旬來宣保茲東土潢池弄兵軫厥武以寡敵衆莫我敢嬰餘威所加氛稜廓清簡在 上衷進位丞弼殿于大藩民用寧一盍邁其歸使秉事樞奄其逝矣當宁敎馭公不有子公多兄弟承詔勒銘垂示無止

宣徽使太保定國忠亮公神道第二碑

至正八年夏四月九日臣潛承 詔撰故宣徽使太保定國忠亮公神道碑銘公之嗣人歷官行事法當附見而其詳有

可勝書者冬十二月二十有五翰林學士承旨臣拜拜臣岳
柱復為 奏請而命臣潛勒銘茲碑臣潛謹按定國公荅失
蠻有子三人其二人皆已卒惟今翰林學士承旨買奴榮祿公
謝事而食一品祿公字德卿定國長子也年十二入見
世祖皇帝命平章政事刺真教以蒙古衛兀兒文字越二年乃
命從宣徽使速渾察兒習治御膳為寶兒赤
成宗皇帝不豫公從定國入侍至康復而退逮

成宗賓天從定國迎

武宗皇帝入正大統至大中以積勞授御藥局達魯花赤升太
醫院經歷舉名醫久次者奏補以官大興醫學以淑後進皇慶
初擢監察御史分巡額北平反和林寃獄而寘真殺人者于法
出其誣服者五人念民之受役莫重於站赤奏請官備和林站

首思歲增給木連帖干兩站米百石有貧乏而鬻其妻子以應
役者贖而歸之沙額至上京十一納鉢所須柴薪宜勿科於民
以紓其力幹耳朵戶求運載和林官物者宜禁止而以雇募之
直十萬餘定賦於站戶使蒙其利 上皆可其奏贖還其妻

子者仍戶給羊百牛馬各十民瘼既蘇乃散酒肆以變淫風興
需學以崇德教及為御史臺經歷以宣德奉聖諸郡舊隸河東
憲司道路迺遠請改令御史分臨按治被 旨至西陵州鞠

厥鎮大長公主獄上戮一僧餘誣誤者皆薄其罪延祐中出為
山南江北道肅政廉訪使以屬郡歲饑聞于朝下其直糶官糧
二十萬石江陵有夜入人家為其所傷以死者有司當以殺人
之罪公原其情而出之定國寢疾革

仁宗皇帝遣中使傳旨俾歸侍疾比至家則定國已沒

詔起復還舊仕固辭從之服除入中書為右司郎中扈從至龍慶州謂儲御膳於民冢非所以致敬亟覆以屋千納鉢之旁易都城木橋以甃石者三百五十所有司估計造馬輪及城壕木座彩畫官舍用鈔二千一百餘錠公為樽節止用三百餘錠有旨賜一僧金襴袈裟金玉府言當用絲一百二十斤紅花熟草各六十斤金十八兩公止用紅注絲一縑納瑟瑟五尺而所製未嘗不如其法除同僉宣徽院事始公嘗計點宣徽羊馬增出羊二萬三千牛二百四十馬匹百至是理筭提調尚食生料尚牧柴場又減省官價為鈔百五十萬貫復入中書為左司郎中治初擢江北淮東道肅政廉訪使通泰二州盜竄毀於風濤諭富商捐鈔七千八百三十錠以救其灾公私咸賴以濟後蒙省降鈔四千五百錠皆弗果用復以歸于官有毒殺人而誣其

祖母自殺之者公究其實釋其祖母而下首惡及合謀者于獄河北河南道肅政廉訪使河決原武親詣其處督視興築用役夫一萬人稍草六萬束命摘夫五百採退灘野生蘆葦得十餘萬束民不擾而河患息又令汴梁屬邑預備稍草連歲所積至六十餘萬束免取具於臨時人甚便之南陽山西有馬頭堰堙廢已久命脩復之所溉因千餘頃皆為上腴設米布以抑內利之徒嚴檢鈔行人而籍市戶使歲當一日役既輕而弊亦去嚴小倒之禁而鈔法以通建言折收田糧輕賣而民受其惠以舟代車送亞當告北還而不至於妨農公三持憲節所至必繕治公字及三皇孔子廟凡為屋以楹計者數百川梁達路脩除必時什器之須纖悉畢具種蒔桑果花木至數十萬本事雖微而未嘗忽也奏定中叅議中書省事有旨於撫州北安火

車亮之地建殿以觀飛攷引古之人君寤奢極侈而取敗者為喻以力諫而止以灾異乞免所居官

詔勉諭之曰變理陰

陽事在宰相非汝之過其起就職尋遷司農少卿天曆至順間由司農卿遷同知宣徽院事除燕王宮相又以大都留守兼宮相都總管府達魯花赤除吏部尚書上疏言

聖朝以禮讓為國以孝治天下高麗王子迫其父退居耽羅而據其位無禮不孝宜令其父還就二位却令其居耽羅宰執大臣減數服其言尋復為宮相總管府達魯花赤吏部尚書又以通政使兼舊職公在通政拯治有法力設均而使客之至如歸不胥悅

上皇帝臨御特授太禧宗禋使都典制神御殿事拜河南江等處行中書省平章政事召入為利用卿受納皮貨所以防

其欺弊者甚至不以事之煩為憚也遷翰林學士承旨授禮引遂以本官致仕階自承務郎入轉至榮祿大夫所服犀玉帶

上所賜先是

武宗皇帝命以故宋太后湯沐地悉歸于大宗恩福元寺平章政事伯顏持不可

上震怒猶抗論不已暨

仁宗皇帝以鈔法詰責前宰相執政公言伯顏在

先朝能

犯顏進諫可謂盡忠不宜例加罪謹

上乃釋之後二十餘

年伯顏事

今上皇帝以師臣位上相公未嘗一言及於前事人以為難公

歷事

累朝以恭謹見稱所治

御膳尤精於烹飪前後

被賜珠帽珠衣只孫金玉馬腦車渠土寶諸束帶及它衣幣服用之物以十數鈔無慮數十萬貫上樽珍膳鞍馬之屬不

公性孝友定國之世賞反田廬貨蓄皆以讓其弟至奉襄大事又獨任其役費既告老賜鈔萬五千緡悉用增葺其先塋娶卜蘭奚氏封博陵郡夫人

仁宗又妻以宮女陸氏

昭獻元聖太后為治匱具賜宴于興聖宮命太傅帖哥司徒伯順逆至其私第後封

郡夫人繼娶禿滿倫氏脫尼氏弩

哈出氏弩罕氏王氏並封薊國夫人子男二人長亦老荅兒卜蘭奚氏出也奉政大夫蘭遺少監

仁宗妻以朶兒別台氏繼娶阿兒溫的斤氏次不蘭奚孫男

故上都留守忻都資善公定國第二子也由寶兒赤為典膳令累遷司農少卿章佩監同知通政院事由僉宣徽院事為副使天曆間拜雲南行中書省左丞至順初叛王禿堅與伯

黃學士文集卷二十四

廿二

等率眾來攻城平章政事帖木而不花守北門公守東門叛

間由它門入遂劫去省印公亦見執問何以不走公曰奉

命為行省官安敢棄城去伯忽欲殺之禿堅不可而止乃

命其黨忽哥兒兀馬兒以五十人護送入城囚之公與兩人相

處既以因說以逆順禍福利血撓金為誓謀共殺反者未幾豫

王引大軍至伯忽遣忽哥兒兀馬兒往拒之行次占冀州兩人

如公宿約徑回金馬山殺伯忽兄弟三人得其所劫省印以授

公復立行省公遣使以三人首級獻于京師尋出迎豫王至麻

隆縣將還行省次倚隆州像王所領漢軍復陷沒公欲奉豫王

至烏撒而諸王噉思班已入雲南豫王乃命公馳報于

朝廷上嘉其功賞賚甚厚即除止都留守兼本路都總管

府達魯花赤階自奉政大夫六轉至資善大夫前後被賜珠衣

束帶各一白金千兩鈔六萬貫它衣弊諸物稱是卒於元統三年九月十七日享年五十有七娶定哥祭氏封咸陽郡夫人忙哥氏伯顏哥氏並封范陽夫人子男一人哈八夫 大夫

同知河東都轉運鹽使司事孫男 人故同知宣徽院事怯來資善公定國第三子也初為寶兒赤用伯兄所讓定國廢授器備庫提點外除同知建德路總管事入為度支少監遷利用少監遂為其太卿除大都留守遷同知宣徽院事階自武德將軍并轉改中憲大夫又四轉至資善大夫前後被賜珠帽珠衣各一只孫四白金百兩鈔二萬五千貫它衣幣諸物稱是卒於至七年五月十日享年六十有二娶脫脫尼氏封咸陽郡夫人 氏完者的斤氏並封范陽郡夫人子男三人黑驢王家驢八刺孫男 人由定國而上其行能勞烈臣潛既序次而登

于前碑茲不復出銘曰

之名家曰萬石君人臣尊寵舉集其門孰如定國類其恭謹同時列于貴近職親地要

天子所毗惟才之豐靡適弗宜恂恂長公際逢熙運奉宣憲度參 廟論出居屏翰入侍燕閒踐駁中外踰四十年行止以時委蛇而退便蕃錫予流息未艾萬石之恭二疎之賢公兼有之庶幾夫全偉哉仲氏致位丞轄設奇制變茂著勲烈季亦競爽克友其兄讓行于家遺澤是承 天覆日臨罔間存歿錫以石章用焯其實

